

五經同卷

十一面神呪心經

千轉陀羅尼觀世音菩薩呪經

呪五首經

六字神呪經

呪三首經

能八

能八

十一面神呪心經

唐三藏法師玄奘奉詔譯

如是我聞一時薄伽梵住室羅筏竹筍道場
與大苾芻衆千二百五十人俱菩薩摩訶薩
無量無數慈氏菩薩而爲上首復有無量苾
芻苾芻尼鄒波索迦鄒波斯迦及諸天龍藥
叉健達縛阿素洛揭路荼緊捺洛莫呼洛伽
鳩槃荼畢舍遮人非人等大衆圍繞供養恭
敬尊重讚歎而爲說法爾時觀自在菩薩摩
訶薩與無量俱胝那由多百千持呪神仙前

後圍繞來詣佛所到已頂禮世尊雙足右繞
三匝退坐一面白佛言世尊我有神呪心名
十一面具大威力十一俱胝諸佛所說我今
說之為欲利益安樂一切有情除一切病故
滅一切惡故為止一切不吉祥故為却一切
惡夢想故為遮一切非時死故欲令諸惡心
者得調淨故有憂苦者得安樂故有怨對者
得和解故魔鬼障礙皆消滅故心所願求皆
稱遂故世尊我不見世間若天若魔若梵若
沙門若婆羅門等以此神呪防護其身受持

讀誦書寫流布而為一切災橫魔障刀杖毒
藥厭禱呪術所能害者我亦不見以此神呪
隨所住處若遠若近結作界已有能越之來
相競害唯除決定惡業應熟世尊彼當證知
是事必爾唯應信受不應分別如此則令一
切災橫皆悉遠離不得侵近此神呪心一切
諸佛同所稱讚同所隨喜一切如來憶持守
護世尊我憶過去過殑伽沙等劫前有佛出
世名百蓮華眼無障礙頂熾盛功德光王如
來應正等覺我於爾時作大仙人從彼世尊

受得此咒得此咒時見十方佛應時證得無
生法忍當知此咒具大威力是故若有淨信
善男子善女人等欲受持讀誦此神咒者應
當恭敬至心繫念每晨朝時如法清淨念誦
此咒一百八遍若能如是現身獲得十種勝
利何等爲十一者身常無病二者恒爲十方
諸佛攝受三者財寶衣食受用無盡四者能
伏怨敵而無所畏五者令諸尊貴恭敬先言
六者蠱毒鬼魅不能中傷七者一切刀杖所
不能害八者水不能溺九者火不能燒十者

終不橫死復得四種功德勝利一者臨命終
時得見諸佛二者終不墮諸惡趣三者不因
嶮厄而死四者得生極樂世界世尊我憶過
去過十殞伽沙等劫復過於此有佛出世名
美音香如來應正等覺爾時我身作大居士
於彼佛所受得此咒得此咒時便於生死超
四萬劫誦持此咒復得諸佛大悲智藏一切
菩薩解脫法門由此威力能救一切牢獄繫
閉桎械枷鎖臨當刑戮水火風賊蠱毒厭禱
人非人等種種苦難由此我於一切有情能

作歸依救護安慰洲渚室宅以此呪力攝取一切勃惡藥叉邏刹娑等先令發起慈心愍心然後安立於阿耨多羅三藐三菩提世尊我此神呪有大威力若誦一遍即能除滅四根本罪及五無間令無有餘況能如說而修行者若有曾於百千俱胝那庾多佛所種諸善根乃於爾時得聞此呪況能受持如說行者若能晝夜讀誦受持此神呪者我當令彼所有願求悉得如意若有能於半月半月或第十四日或第十五日受持齋戒如法清淨

繫心於我誦此神呪便於生死超四萬劫世尊我由此呪名號尊貴難可得聞若有稱念百千俱胝那庾多諸佛名號復有暫時於我名號至心稱念彼二功德平等平等諸有稱念我名號者一切皆得不退轉地離一切病脫一切障一切怖畏及能滅除身語意惡況能於我所說神呪受持讀誦如說修行當知是人於無上菩提則為領受如在掌中爾時世尊讚觀自在菩薩言善哉善哉善男子汝乃能於一切有情發起如是大慈悲意而欲

開示此大神呪善男子汝由此方便能救脫
一切有情所有病苦障難怖畏身語意惡乃
至安立一切有情於阿耨多羅三藐三菩提
善男子我亦隨喜受汝神呪汝當說之時觀
自在菩薩摩訶薩即從座起偏袒一肩右膝
著地曲躬合掌而白佛言誦此呪者應作是
說敬禮三寶敬禮聖智海遍照莊嚴王如來
敬禮一切如來應正等覺敬禮聖觀自在菩
薩摩訶薩大悲者
怛經他閻^一達囉達囉^二地囉地囉^三杜嚕

杜嚕^四壹蘇^{去聲}伐蘇^{下同}折隸折隸^六鉢羅
折隸鉢羅折隸^七俱素謎^八俱蘇摩伐隸^九
壹履弭履^十止履止微^{知里切}杜^{時賀切}羅摩
波捺耶^{夷何切}戌^{輸律切}陀薩埵^十莫訶迦嚕
尼^{上聲}迦^十莎^{去聲}訶^{下聲}五
世尊此是根本神呪若有念誦獲如上說功
德勝利敬禮三寶敬禮聖智海遍照莊嚴王
如來敬禮一切如來應正等覺敬禮聖觀自
在菩薩摩訶薩大悲者
怛經他 呵呵呵呵^一壹隸弭隸^二止隸婢

隸^三棄^{上聲}隸^四呬^{上聲下}莎訶^五

世尊此是呪水及衣呪若欲入道場先當洗
浴後以此呪呪水七遍灑身結淨復以此呪
呪衣七遍然後取著敬禮三寶敬禮聖智海
遍照莊嚴王如來敬禮一切如來應正等覺
敬禮聖觀自在菩薩摩訶薩大悲者^{能入}
怛經他^{吒古切}嚕^古嚕^古嚕^古一呵呵呵呵^二莎訶^三

世尊此是呪香燈呪若入道場欲燒香供養
時先以此呪呪香七遍然後燒之欲然燈時

先以此呪呪油七遍後以然燈敬禮三寶敬
禮聖智海遍照莊嚴王如來敬禮一切如來
應正等覺敬禮聖觀自在菩薩摩訶薩大悲
者

怛經他 死囉死囉 一地囉地囉 二死囉地

囉^三莎訶^四

世尊此是呪華香鬘呪若入道場欲以華香
鬘供養時先以此呪呪華七遍用散尊像復
以此呪呪香七遍以塗尊像復以此呪呪鬘
七遍以嚴尊像敬禮三寶敬禮聖智海遍照

莊嚴王如來敬禮一切如來應正等覺敬禮
聖觀自在菩薩摩訶薩大悲者

怛經他 娑睇沙睇^一死地死地^二素^{上聲下同}

杜素杜^三莎訶^四

世尊此是咒獻佛供咒若欲以飲食華果等

供養佛時先誦此咒咒之二十一遍然後獻

奉敬禮三寶敬禮聖智海遍照莊嚴王如來

敬禮一切如來應正等覺敬禮聖觀自在菩

薩摩訶薩大悲者

怛經他 末死達死^一折囉折囉^二虎嚕虎

嚕^三主嚕主嚕^四素^{上聲下同}嚕素嚕^五母嚕母^六莎訶^七

世尊此是咒薪咒若欲以上根本神咒隨事
有所作時先以此咒咒閣底華木一遍擬用
然火復別取閣底華木寸截以為三十一段

用酪酥蜜漬之經宿每取一段咒之^六一遍即

擲火中乃至皆盡然後隨事作所應作敬禮

三寶敬禮聖智海遍照莊嚴王如來敬禮一

切如來應正等覺敬禮聖觀自在菩薩摩訶

薩大悲者

恒經他壹履弭履一比履底丁里切履二止

履四履三莎訶四

世尊此是結界咒欲結界時先以此咒咒水七遍散灑四方或咒芥子或咒淨灰皆至七遍散四方面隨心遠近即成界畔而為防護敬禮三寶敬禮聖智海遍照莊嚴王如來敬禮一切如來應正等覺敬禮聖觀自在菩薩摩訶薩大悲者

恒經他 比底比底一底底底底止止底止
底三費房匪切底費底四揭車揭車五薄伽

梵六阿剌耶婆肥何切盧枳低濕伐囉七颯縛婆縛去南八莎訶九

世尊此是請我還自宮咒若所作事竟請我還自宮時應以此咒咒水七遍散灑四方我便還去世尊如是神咒雖不成立而亦能作種種事業至心念誦無不獲願七若患瘡病或一日一發或二日一發或三日一發或四日一發若患鬼病或部多鬼所作或荼耆上聲尼所作或畢舍遮所作或羯吒平聲布怛那所作或癩鬼所作或癩鬼所作或餘種種惡

鬼所作皆以此呪呪彼患者一百八遍即得除愈

若障重者用五色縷誦呪作結一遍一結凡一百八結以繫病人頸上或繫臂上罪障消滅病即除愈

若患丁腫癰腫痛瘡疱瘡疽瘍癰等種種惡病若被刀箭矛稍等傷蛇蠍蜈蚣毒蜂等螫皆以此呪呪之七遍即得除愈

若障重者呪黃土泥至一七遍用塗病處所苦得除

若患緩風偏風癱風耳聾鼻塞瘕風等病皆應至心念誦此呪呪彼患者一百八遍病即除愈

若障重者以油或酥煎樺皮及青木香每呪七遍即用塗身或滴耳鼻或令服之所患便愈

若有所餘種種疾病皆應至心以此呪呪之或自念誦即得除差

世尊若欲成立此神呪者應當先以堅好無隙白梅檀香刻作觀自在菩薩像長一磔手

半左手執紅蓮華軍持展右臂以掛數珠及作施無畏手其像作十一面當前三面作慈悲相左邊三面作瞋怒相右邊三面作白牙上出相當後一面作暴惡大笑相頂上一面作佛面像諸頭冠中皆作佛身其觀自在菩薩身上具瓔珞等種種莊嚴造此像已欲求願者著新淨衣受持齋戒從白月一日至第八日每日三時念誦此呪一百八遍或無量遍從此以後於一靜處敷清淨座安置所造觀自在菩薩像面向西方隨力所辦獻諸飲

食唯燒沉水及蘇合香行者當食大麥乳食如前念誦至第十三日從此以後所設供具須倍勝前行者唯應食三白食謂乳酪飯取菩提樹木像前然火復取彼木寸截以為一千八段用觀嚕色迦香油漬之每取一段誦呪一遍擲置火中乃至皆盡爾時大地爇然搖震由此像身亦即運動從最上面口中出聲讚行者言善哉善哉善哉善男子汝能如是勤苦求願我當令汝所願滿足令汝於此騰空而去或復令汝所遊無礙或作持呪仙人中

王或使如我自在無障復次行者或於白月
第十五日以十一面觀自在菩薩像置有佛
馱都制多中著新淨衣受持齋戒經一日一
夜不飲不食取蘇末那華一千八枚每取一
華咒之一遍擲置像上乃至皆盡爾時其像
當前一面口中出聲猶如雷吼龍八由此便令大
地震動行者爾時應自安心勿生恐怖但念
神呪乞所期願作如是言敬禮聖觀自在菩
薩摩訶薩大悲者我於何時能與一切有情
作大依怙能滿一切有情心之所願時觀自

在便與其願當與願時諸天龍等無有能與
作障礙者復次行者於月蝕時取酥一兩銀
器盛之置此像前念誦此呪乃至是月還生
如故便取食之身中諸病無不除愈
復次行者應等分取雄黃牛黃置此像前念
誦此呪一千八遍以水和之點置眉間三事
成就如前所說若和煖水洗浴其身則一切
障礙一切惡夢一切疫病皆得除愈
復次若他方怨賊欲來侵境應取胭脂一顆
誦此呪呪之一百八遍粧點此像左邊瞋面

正向彼方令怨賊軍不得前進

復次若國土中人畜疫起於此像前然任婆
木火復別取彼木寸截以為一千八段每取
一段塗芥子油呪之一遍擲置火中乃至皆
盡復取緋縷作七呪結一呪一結繫置最上
佛面頂上能令疫病一切消除疾疫除已解
去呪索

復次若有卒為荼者^{上聲}尼部多鬼等魅著
成病應取白縷作二十一呪結一呪一結繫
著當前慈悲面頂上經一宿已解取以繫病

人頸上病即除愈若業障重不除愈者應取
此索更呪一百八遍繫前所繫像頂上經一
宿已解取以繫病人頸上必得除愈

復次若有長病困苦不差或惡神鬼來入宅
中應取薰陸香一百八顆在此像前顙呪一

陀八

十

遍擲置火中乃至皆盡復取白縷作二十一
呪結一呪一結繫置當前慈悲面頂上經一
宿已解取繫病者頸上所患除愈惡鬼退散
復次若為怨讎伺求其便鬪諍厭禱欲作衰
害應以種種香華等物供養此像以婆鑠迦

木像前然火取芸臺子一百八顆各呪一遍
擲置火中復取白縷結作一百八結一呪一
結繫著此像左邊頤面頂上經一宿已解取
此索稱怨讎名截一一結各令異處一稱一
截乃至都盡令彼怨讎所作不遂自然歸伏
復次若人欲求諸善好事取五色縷結作呪
索一百八結一呪一結復於像前呪之七遍
繫置當前慈悲面頂上經一宿已解取繫自
身上所求如意
復次若知身中有諸障難所求善事多不如

心衰禍時時無因而至應以香水浴此像身
復取此水呪之一百八遍以浴毗那藥迦像
身復取呪之一百八遍自灑其身一切障難
自然消滅諸有所求無不如意爾時觀自在
菩薩摩訶薩說此語已一切大眾同時讚言
能入
善哉善哉大士乃能為欲利益安樂諸有情
十一
故說此神呪我等隨喜亦願受持爾時大眾
歡喜踊躍繞佛三匝作禮而去

十一面神呪心經